

§ 1 Peqatigiiffiup aterraa Katuap **Ikinngutai**/Katuqaq **Venner**. Nuuk angerlarsimaffigaa.

§ 2 Katuap Ikinngutai / Katuqaq Venner peqatigiiffiuvoq soqutiginnittunut, Katuap sulinerani ikiuukkusuttunut. Peqatigiiffiup siunertaraa peqataanissani Katuap sulineranut isiginnaartitsisarnerinullu soqutiginninnerup eqeersarnissaanut, qiimmassarnissaanut siammarternissaanullu aammalu kulturimut illorsuaq ikiorniarlugu tamatuminna sulissuteqarnerani, suliniuteqartassalluni Katuap sulineranut tapersersuutaasinnaasunik nukittorsaataasinnaasunillu aammalu eqqumiitsuliornikkut namminersortuunera annertusarniarlugu.

§ 3 Ilaasortanngorsinnaapput inuit kikkulluunniit, ingerlatsiviit suliffeqarfiilluunniit peqatigiiffiup siunertaanik tapersersuerusuttut ukiumut ilaasortaanermut akiliisarnikkut § 4 naapertorlugu aalajangerneqartumik.

§ 4 Ilaasortaanermut akiliut ukiumoortumik ataatsimeersuarnermi aalajangerneqassaaq, ukiumullu ataasiarluni maajimi akilersinniarneqartassalluni.

§ 5 Inuit, ingerlatsiviit suliffeqarfiillu ilaasortatut tunuarnerat pissaaq allakkatigut aprilip 1-annut.

§ 6 Ukiumoortumik ataatsimeersuarneq peqatigiiffiup qullersatut oqartussaasoraa. Inatsisini aalajangersagaqanngikkaangat, aalajangiisoqartassaaq nalinginnaasumik taasinermi amerlanerussuteqarnikkut, peqataasut qassiugaluarpataluunniit. Ilaasortat tamarmik taasinerat taasinermik ataatsimik naleqarpoq, apeqqutaanani ilaasortaanermut akiliut qanoq angitigisoq akilerneqarsimanersoq. Taasinermi kingoraarteqartoqarsinnaavoq, kingoraartip allaganngorlugu piginnaatitsissut takutissavaa.

§ 7 Ileqquusumik ataatsimeersuarneq pisassaaq ukiut tamaasa aprilip qaammataa naatinngat. Immikkut ittumik ataatsimeersuarneq pisassaaq siulersuisut tamanna aalajangerpassuk, imaluunniit ikinnerpaamik ilaasortat ¼-iisa tamanna allaganngorlugu piumasarippassuk nalunaarutigalugu, suna oqaluuseriumaneqarnerisoq. Taaneqartoq kingulleq pitillugu siulersuisut ataatsimeersuarnissamut aggersaassapput kingusinnerpaamik piumasaqaatip tiguneraniit ullut 14 qaangiutsinnagit.

§ 8 Siulersuisut ataatsimeersuarnissamut aggersaassaput ullunik 14-nik piffissaqartitsillutik allakkatigut ilaasortanut nalunaaruteqarnikkut. Nalinginnaasumik ataatsimeersuarnissamut naatsorsuutit kukkunersiorneqarsimasut aggersaassummut ilanngutatut ilaatinneqassapput. Ilaasortaniit siunnersuutit ileqquusumik ataatsimeersuarnissamut oqaluuserineqassagunik allaganngorlugit siulersuisunut tunniunneqarsimassapput martsip 1-a sioqqullugu.

§ 9 Ataatsimeersuaqqataasut qinersissapput nalinginnaasumik taasinerit amerlanerussuteqarnerisigut ataatsimiinnermik aqutsisumik (dirigent), taasuma ataatsimeersuarneq aqussavaa aamma suliat qanoq suliarineqarnerannut taasisarnernullu tunngasunik apeqqutini tamani aalajangiisartuulluni.

§ 10 Ileqquusumik ataatsimeersuarnermi ullormut oqaluuserisassat makkuninnga immikkoortoqassapput:

1. Ataatsimiinnermi aqutsisussamik qinersineq.
2. Siulersuisut (siulittaasup) ukiumi qaangiuttumi peqatigiiffiup ingerlassimasaanik nalunaarutaa aamma paasissutissiinertaqarsinnaasoq Katuqaq pillugu.
3. Naatsorsuutitik kukkunersiorneqarsimasunik akuersissutigisassanngorlugit saqqummiussineq.
4. Ilaasortaanermut akiliutinik aalajangiineq.
5. Siulersuisuni ilaasortassanik kingoraartissaannillu 2-nik qinersineq.
6. Kukkunersuisunik 2-nik kiisalu kukkunersuisut kingoraartissaannik 1-mik qinersineq.
7. Siulersuisuniit imaluunniit ilaasortaniit siunnersuutaasinnaasut.
8. tamalaat.

§ 11 Inatsisit allannguutissaat pillugit imaluunniit peqatigiiffiup atorunnaarsitaanissaanik aalajangiiniarnermi piumasarineqarpoq ikinnerpaamik peqatigiiffiup ilaasortaasa affaai ataatsimeersuarnermut ilaassasut, aammalu taasinerit ikinnerpaamik 2/3-ii aalajangiinermut isumaqataappata. Ilaasortat aalajangiiniarlutik katersuussimasut ikippallaarpata siulersuisut ullut 14 qaangiutsinnagit aggersaassapput ataatsimeersuarnermut nutaamut, tassanilu siunnersuut taasinerit 2/3-iinit aalajangiivigineqarsinnaavoq, apeqqutaatinnagu ilaasortat qassit sinniisuutitaqarnerat. Peqatigiiffiup atorunnaarsitaanissaa atorsinnaasumik ilaasortat katersuussimaneranni aalajangerneqarpat, taakkua nalinginnaasumik taasisut amerlanerussuteqarnerisigut aalajangissavaat peqatigiiffiup pigisaasa atorneqarnissaat peqatigiiffiup siunertaata siuarsarneqarnissaanut imaluunniit tapersorneqarnissaanut.

§ 12 Peqatigiiffimmut tunngasut isumagineqassapput ilaasortat ileqquusumik ataatsimeersuarnermi katersuussimasut qinigaannit siulersuisunit 6-nik ilaasortalinnit. Qinersineq ukiut pingasukkaarlugit pisarpoq. Ukiut tamaasa ilaasortat pingasorarterutaat tunuartassapput. Qinigassanngortitassat siunnersuutit siulersuisunut nassiunneqassapput martsip 1.-at nallertinnagu. Qinigaaqqittoqarsinnaavoq. Ukiut tamaasa kingoraartissat 2 qinerneqartassapput.

§ 13 Siulersuisut inassititissapput ataatsimeersuarnerup naammaseraniit ullut 14 qaangiutsinnagit, siulittaasumut, siulittaasup tullianut, aningaaserisumut allatsimullu. Siulersuisut ikinnerpaamik ukiumut marloriarlutik ataatsimiittassapput.

§ 14 Siulersuisut aalajangiisinnaassuseqarnerannut piumasarineqarpoq, ilaasortat ikinnerpaamik affaasa najuunnissaat. Taasinerit amerlaqatigiippata siulittaasut taasineri aalajangiisuussaaq.

§ 15 Peqatigiiffimmik sinniisuuvoq siulittaasoq siulersuisuni ilaasortaq ataaseq ilagalugu, imaluunniit siulittaasup peqannginnerani siulersuisuni ilaasortat pingasut. Siulersuisut akilerneqartumik ikiorteqarsinnaapput akiliisitsiniartussamik ilaasortaanermut akiliutinik, ilaasortaanermut allagartanut, naatsorsuusiortnermut il. il. Siulersuisut piginnaatinneqarput naleqquttunik peqatissanik suleqatigiinnissamik isumaqatigiissuteqarnissamut.

§ 16 Peqatigiiffimmi ukioq naatsorsuiffik tassa qaammatisiutit ukiuat. Peqatigiiffiup naatsorsuutaanik kukkunersiuiineq ingerlanneqassaaq ilaasortat ataatsimeersuarnermi kukkunersiuisutut qinigaasunit. Siulersuisut peqatigiiffiup naatsorsuutai kukkunersiortissinnaavaat kukkunersiuisutut immikkut naalagaaffimmit akuerisamut.

Peqatigiiffik pilersinneqarpoq ataasinngornermi februarip 3.- ni 1997.

Annertunerusumik peqatigiiffik pillugu paasisaqarusukkuut uku saaffiqikkitt:

Palle Ømark	<a href="mailto:omark@greenet.gl">omark@greenet.gl</a>
Lars Peter Danielsen	<a href="mailto:lpdanielsen@airgreenland.gl">lpdanielsen@airgreenland.gl</a>
Kiistat Holm	<a href="mailto:kiistat@hotmail.com">kiistat@hotmail.com</a>
Ulla Arlbjørn	<a href="mailto:arlbjorn@greenet.gl">arlbjorn@greenet.gl</a>
Finn Balling Engelsen	<a href="mailto:fbe@gh.gl">fbe@gh.gl</a>
Pitaaraq Kleist	<a href="mailto:palakut@greenet.gl">palakut@greenet.gl</a>
Margrethe Sørensen	<a href="mailto:margrethe@greenet.gl">margrethe@greenet.gl</a>